



Broj: 02-02-3630/25
Lukavac, 08.12.2025. godine.

Na osnovu člana 140. i člana 142. Statuta Grada Lukavac („Službeni glasnik Grada Lukavac“ broj: 14/25) Budžeta Grada Lukavac za 2025. godinu sa okvirnim planom za 2026. i 2027. godinu („Službeni glasnik Grada Lukavac“ broj: 02/25 i 09/25), člana 22. Odluke o izvršenju Budžeta Grada Lukavac za 2025. godinu („Službeni glasnik Grada Lukavac“ broj: 02/25 i 07/25) i Programa utroška sredstava Transfera Službe za društvene djelatnosti i upravu Grada Lukavac za 2025. godinu („Službeni glasnik Grada Lukavac“ broj: 03/25 i 10/25) Gradonačelnik d o n o s i:

O D L U K U

o subvencioniranju boravka djece u predškolskim ustanovama na području grada Lukavac porodicama sa troje i više djece za 2025. godinu

I. OPĆE ODREDBE

Član 1. (Predmet odluke)

Ovom Odlukom utvrđuju se uvjeti i kriteriji za utvrđivanje iznosa o subvencioniranju boravka djece u predškolskim ustanovama na području grada Lukavac porodicama sa troje i više djece za 2025. godinu.

Član 2. (Definicije)

(1) Pod subvencioniranjem boravka djece u predškolskim ustanovama podrazumijeva se odobravanje nepovratnih novčanih sredstava porodicama sa troje i više djece a čija/e dijete/djeca su upisana u javnu/privatnu predškolsku ustanovu na području grada Lukavac.

(2) Pod pojmom predškolska ustanova podrazumijevaju se javne ustanove čiji je osnivač Grad Lukavac i dječji vrtići osnovani od strane fizičkih osoba koji imaju odobrenje za početak obavljanja djelatnosti predškolskog odgoja izdano od Ministarstva obrazovanja i nauke Tuzlanskog kantona kojim je utvrđeno da je akt o osnivanju dječjeg vrtića sukladan zakonu.

(3) Pod pojmom dijete smatra se dijete do navršanih 18 (osamnaest) godina života.

Član 3. (Novčana sredstva)

Sredstva za subvenciju boravka djece u predškolskim ustanovama na području grada Lukavac osigurana su u Budžetu Grada Lukavac za 2025. godinu sa okvirnim planom za 2026. i 2027. godinu („Službeni glasnik Grada Lukavac“ broj: 02/25 i 09/25) na ekonomskom kodu: **614 231 „Beneficije za socijalnu zaštitu“ - tačka 614 231 01** Programa utroška sredstava Transfera Službe za društvene djelatnosti i upravu Grada Lukavac za 2025. godinu („Službeni glasnik Grada Lukavac“ broj: 03/25 i 10/25) - „**Subvencija porodicama sa troje i više djece**“ u iznosu od **30.000 KM** te će se rasporediti sukladno rezultatima javnog poziva.

Ukoliko se putem Javnog poziva prijavi više korisnika koji ispunjavaju uvjete propisane članom 4. i članom 5. ove Odluke uzimat će se u obzir redosljed i datum podnošenja prijave.



II. UVJETI ZA SUBVENCIONIRANJE

Član 4.

(Uvjeti za ostvarivanje prava na subvenciju)

Pravo na subvencioniranje boravka djece u predškolskim ustanovama na području grada Lukavac imaju porodice sa troje ili više djece koje imaju najmanje jedno dijete upisano u predškolsku ustanovu na području grada Lukavac i ispunjavaju slijedeće uvjete:

1. Oba roditelja/skrbnika imaju prebivalište na području grada Lukavac,
2. Roditelji/skrbnici ostvaruju prihode koji ne prelaze iznos određen u članu 5. ove Odluke.

Član 5.

(Kriteriji za određivanje iznosa subvencije)

Visina subvencije određuje se na temelju mjesečnih prihoda roditelja/skrbnika prema sljedećim kriterijima:

1. Za roditelje/skrbnike s ukupnim mjesečnim prihodom do 3.000,00 KM, subvencija iznosi 70,00 KM na mjesečnom nivou, odnosno 840,00 KM za tekuću godinu;
2. Za roditelje/skrbnike s ukupnim mjesečnim prihodom od 3.001,00 KM do 4000,00 KM, subvencija iznosi 50,00 KM na mjesečnom nivou, odnosno 600,00 za tekuću godinu;
3. Roditelji/skrbnici s ukupnim mjesečnim prihodom iznad 4.000,00 KM nemaju pravo na subvenciju.
4. Roditelji/skrbnici koji imaju više djece upisane u predškolske ustanove na području grada Lukavac mogu podnijeti zahtjev za svako dijete posebno i na iste će se odnositi kriteriji iz ovog člana.

Član 6.

(Izuzeci u primjeni)

- (1) Samohrani roditelj/staratelj koji ima najmanje jedno dijete koje boravi u predškolskoj ustanovi ostvaruje pravo na subvenciju u iznosu od 70,00 KM (mjesečno) ili 840 KM (godišnje) po djetetu bez obzira na visinu primanja.
- (2) Roditelj/staratelj invalid s utvrđenim postotkom invalidnosti od najmanje 70 % koji ima najmanje jedno dijete koje boravi na predškolskom obrazovanju u privatnoj predškolskoj ustanovi ostvaruje pravo na subvenciju u iznosu od 70,00 KM ili 840 KM (godišnje) po djetetu bez obzira na visinu primanja.
- (3) Prava iz tačkaka (1) i (2) ovog člana odnose se na roditelje troje ili više djece.
- (4) Prava iz tačkaka (1) i (2) ovog člana odnose se na 2025. godinu.

III. JAVNI POZIV

Član 7.

(Javni poziv)

- (1) Dodjela prava na subvencioniranje boravka djece u predškolskim ustanovama na području grada Lukavac porodicama sa troje i više djece izvršiti će se putem Javnog poziva koji objavljuje Gradonačelnik u skladu s ovom Odlukom.
- (2) Javni poziv za subvencioniranje boravka djece u predškolskim ustanovama na području grada Lukavac porodicama sa troje i više djece za 2025. godinu objavljuje se na službenoj stranici Grada Lukavac i na oglasnoj ploči Gradske uprave.
- (3) Javni poziv sadrži: a) naziv organa koji raspisuje Javni poziv, b) predmet javnog poziva c) uvjete za subvencioniranje d) popis potrebne dokumentacije e) rokove za prijavu, f) dostupnost obrazaca – s uputstvima za prijavu, g) adresu na koju se dostavlja zahtjev (4) Rok za prijavu na javni poziv je 8 (osam) dana od dana objavljivanja.

Član 8.

(Prijava na javni poziv)

- (1) Prijave na objavljeni Javni poziv podnose se putem pošte na adresu:
Grad Lukavac- Gradonačelnik
„Komisija za dodjelu sredstava za subvencioniranje boravka djece u predškolskim ustanovama na području grada Lukavac porodicama sa troje i više djece“
Trg Slobode br. 1, 75300 Lukavac
ili lično u šalter sali Grada Lukavac (šalteri 8 i 9), svakim radnim danom od 07 – 15:30.

- (2) Prijava treba sadržavati: a) popunjen obrazac za prijavu; b) dokaz o upisu djeteta u javnu/privatnu predškolsku ustanovu (Kopija Ugovora); c) dokaz o radnom odnosu oba roditelja/staratelja (potvrda poslodavca – original ili ovjerena fotokopija); d) Potvrda o prebivalištu za roditelje/ skrbnike (CIPS obrazac PBA 3) ne starija od 30 dana od dana objave Javnog poziva (original ili ovjerena fotokopija); e) potvrda o prebivalištu za dijete/djecu upisanu u javnu/privatnu predškolsku ustanovu na području grada Lukavac (CIPS obrazac PBA 3) ne starija od 30 dana od dana objave Javnog poziva (original ili ovjerena fotokopija); f) Rodni list djeteta upisanog u javnu/privatnu predškolsku ustanovu na području grada Lukavac ne stariji od 30 dana (original ili ovjerena fotokopija); g) Rodni list ostale djece iz domaćinstva ne stariji od 30 dana (original ili ovjerena fotokopija); h) Uvjerenje o visini ukupnih mjesečnih primanja za roditelje/skrbnike (uvjerenje porezne uprave o visini primanja za posljednja tri mjeseca tekuće godine- original ili ovjerena fotokopija (Samohrani roditelji i roditelji invalidi nisu u obvezi dostaviti ovaj dokaz); i) Izvod iz Matične knjige umrlih (za samohrane roditelje/skrbnike ne starije od 30 dana – original ili ovjerena fotokopija); j) Rješenje nadležnog tijela o utvrđenom postotku invalidnosti (za roditelje/skrbnike s invaliditetom) – ovjerena fotokopija; k) Izjavu ovjerenu kod nadležnog gradskog/općinskog organa ili notara da roditelj/staratelj/zakonski zastupnik nije bio korisnik sredstava za namjene finansiranja/sufinansiranja troškova smještaja i boravka djece u predškolskim ustanovama odobrenih iz Budžeta drugih nivoa vlasti za period od 01.09.2024. godine do 31.08.2025. godine (napomena: izjavu dostavljaju oba roditelja, a u slučaju samohranog roditelja izjavu dostavlja samo samohrani roditelj) (original); l) Izjavu ovjerenu kod nadležnog gradskog/općinskog organa ili notara da roditelj/staratelj/zakonski zastupnik nije ostvario pravo na subvencioniranje troškova smještaja i boravka djece u predškolskim ustanovama putem mjesno nadležnih centara za socijalni rad i Ministarstva za rad, socijalnu politiku i povratak Tuzlanskog kantona u 2025. godini (napomena: izjavu dostavljaju oba roditelja, a u slučaju samohranog roditelja izjavu dostavlja samo samohrani roditelj) (original); m) Izjavu – kućna lista ne starija od 30 dana od dana objave Javnog poziva (original ili ovjerena kopija); n) Izjavu o statusu samostalnog roditelja (original ili ovjerena fotokopija) i o) Potvrdu od banke o posjedovanju tekućeg računa – ne starija od 3 (tri) mjeseca (original ili ovjerena fotokopija)

(3) Na dokumentaciju navedenu u tački (2) ovog člana primjenjivat će se odredbe Zakona o zaštiti ličnih podataka („Službeni glasnik BiH“, broj: 48/06, 76/11, 89/11 i 12/25)

Komisija i Služba za društvene djelatnosti i upravu Grada Lukavac (u daljem tekstu: nadležna Služba) zadržava pravo da traženu dokumentaciju pribavi službenim putem.

Član 9. (Komisija)

(1) Blagovremeno pristigle prijave razmatra Komisija koju Gradonačelnik imenuje Rješenjem.

(2) Komisija nakon razmatranja prijava predlaže Gradonačelniku rang listu korisnika prava na subvencioniranje u skladu s kriterijima propisanim ovom Odlukom.

(3) U postupku realizacije ove Odluke štitiće se privatnost i dostojanstvo osoba, te se neće javno iznositi imena i drugi lični podaci ovih osoba.

Član 10. (Odluka o priznavanju prava na subvenciju)

(1) Nadležna Služba uz saglasnost Gradonačelnika donosi Odluku o isplati sredstava za subvencioniranje boravka djece u predškolskim ustanovama na području grada Lukavac porodicama sa troje ili više prema predloženoj rang listi iz člana 9. ove Odluke.

(2) Za realizaciju Odluke zadužuje se Služba za budžet i finansije Grada Lukavac.

Član 11. (Obaveza prijave promjena koje utječu na ostvarivanje prava na subvencioniranje boravka djeteta)

Roditelji/staratelji koji su ostvarili pravo na subvencioniranje boravka djece u predškolskim ustanovama na području grada Lukavac, kao i predškolska ustanova koju dijete pohađa dužni su nadležnoj Službi pismenim putem prijaviti svaku promjenu koja utječe na ostvarivanje prava na subvencioniranje.

Član 12.

(Obaveze predškolskih ustanova i Grada)

- (1) Predškolska ustanova u kojoj borave djeca čiji su roditelji/skrbnici ostvarili pravo na subvencioniranje boravka sukladno ovoj Odluci, dužna je nadležnoj Službi dostaviti popis djece koja su u toj godini boravila u konkretnoj predškolskoj ustanovi. Popis se dostavlja najkasnije do 31.12.2025. godine i odnosi se isključivo na djecu čiji su roditelji ostvarili pravo na subvenciju iz člana 10. ove Odluke.
- (2) Grad Lukavac će, sukladno Odluci o priznavanju prava na subvencioniranje i dostavljenim popisima iz stava (1) ovog člana vršiti isplate na pojedinačne račune korisnika prava na subvenciju.
- (3) Za realizaciju Odluke o isplati sredstava korisnicima koji su ostvarili pravo na subvencioniranje zadužuje se Služba za budžet i finansije Grada Lukavac.

Član 13.

Ova Odluka stupa na snagu danom donošenja i bit će objavljena u „Službenom glasniku Grada Lukavac“ a primjenjivat će se do 31. 12. 2025. godine.

Obrađivač:
Minela Čosić

SAGLASAN POMOĆNIK
GRADONAČELNIKA

Mirela Bubić, dipl.pravnik

GRADONAČELNIK

dr. sci. Edin Delić, s. r.

Dostaviti:

1. Stručna služba Gradskog vijeća (za objavu u „Službenom glasniku Grada Lukavac“)
2. Oglasna ploča 2x
3. Služba za društvene djelatnosti i upravu,
4. Za objavu na web stranici
5. a/a